

PELLO ZUBIRIA

# Milioi bat sinadura erremedio naturalak salbatzeko European

Atxikimendu bilketan ari dira sendabide alternatibo eta osagarrietan dabilzan hainbat eragile: fitoterapiako produktuen ekoizle, sendalari, mediku, gaixoen elkarte eta abar. Europar Batzordearen 1924/2006 zuzentarauaren aplikazioa geldiarazi nahi dute, multinazionalen esku ez dagoen guztia suntsituko ote duen beldurrez.

1924/2006 ZUZENTARAU ZER DEN adibide batez azaltzea eskatzen badiozu, hori geldiarazteko sinadura bilketan dabilenak urarena aipatuko dizu: ur botila baten etiketan ez daukazu ipintzerik “urak gutxitzen ditu deshidratazioa nozitzeko arriskuak”. Harrigarria bezain argigarria.

Europako Janarier Seguratasuneko Agintaritzaren (EFSA ingelesezko sigletan) buletinean daukazu 2011ko urtarrilaren 28an erabakitakoa: Moritz Hagenmeyer eta Andreas Hahn doktore eta irakasleek eskatu baldin badute urari aitor dakiola deshidratazioa nozitzeko arriskuak gutxitzeko daukan ahalmena, EFSAren barruko *Panel on Dietetic Products, Nutrition and Allergies* batzordeak ezezkoarekin erantzuten die. Laburbilduta, ura ez denez deshidratazioa saihestu edo hobetu dezakeen botika, ezin dute horrelakorik iragarri.

Hagenmeyer eta Hahn doktoreek probokazio moduan egingo zuten baimen eskaria, EFSA harapatuz azken urteetan negoziaketa luzez erdietsitako araudiaren baldintzen amaraunean. Baina nola ukatu daiteke hain begi-bistakoa dena etiketan jartzeko baimena?

Fitoterapia Holistica izeneko buletinean *La normativa comunitaria sobre complementos alimenticios* artiku-

luan Angeles Navarrok esplikatu du beharrezkoa zela araudi europar bat bilduko dituen herrialde bakoitzak dauzkan lege eta arauak erremedio natural eta elikadurako osagarrien alorrean. Horren bila hasita heldu zen Europar Batzordea 1924/2006 zuzentaria idaztera. Orain lehenbiziko ondorioek piztu dituzte alarmak erremedio alternatibo, natural eta osagarrietan dabilzan profesional eta erabiltzaile askoren artean.

Sinadura bilketa jarri dute martxan herrialde askotan, arau hori berriro Europako Parlamentuak eztabaidatu dezan, baliatuz Lisboako itunak herritarren esku lagatzen duen azken aukera. Europar Batasun osoan milioi bat firma behar dituzte. Frantzia eta Belgika frankofonoan kanpaina berezia darama Institut pour la Protection de la Santé Naturelle (IPSN) erakundeak.

IPSNko Augustin de Livoisek idatziz eta bidez laburbildu du kanpainaren mamia: “Pentsa ezazu haurra edo bikotekidea larri gaixotuta daukazula, badagoela erremedio natural bat arriskurik eta alboko kalterik gabekoa menturaz senda lezakeena... baina Europar Batasunak ahalegin guztiak egiten dituela zuk ezagutu ez dezazun. Aitzitik, agintariek bultzatzen zaituzte gaixoari ematera botika kimikoak alboko kalte larriak eman ditzaketena. Zu

*Essenciagua* izeneko olio esentzialak ekoiztu eta saltzen dituen Laurent Gautunek bere gunean dauka argazki hau, non ageri baita artisaua bere produktu naturalak saltzen Frantziako herriren bateko azokan. Fitoterapia, olio esentzialak eta gizakien osagarria artatzeko beste hainbat erremedio lantzen dituzten profesionalak kexu dira Europako legediak beren jarduerak itoko dizkielakoan. Gaiotan, nekazarien produktuen komertzializazioan bezala, Frantzia da legeak estuen aplikatzen dituzten herrialdeetako eta horregatik mobilizatu dira hemen hain arin profesionalak eta kontsumitzaileak. Espainian, agian Europako legeak modu lasaigoan aplikatzen direlako edo oro har kontrolak arinagoak direlako, ez da halako zalapartarik entzun. 1924/2006 zuzentarauaren kontrako kanpaina milioi bat sinadura bildu nahi dituzte Europa osoan.

haien esku zaude. Amesgaizto absurdo hau da Europa eta bere biztanleak mehatxatzen dituen, zu eta biok barne”.

Arau berriarekin herritarren eskuetatik urrun geratuko omen dira oligoelementuak, mineralak, bitaminak, aminoazidoak eta abar, zuzentaria berriagatik etiketan ezingo dutelako azaldu zertarako diren mesedegarri. Baimen berriak lortzeko frogaren garestiak multinazionalak bakarrik egin ahalko dituztenez, produktuekin batera desagertu daitezke belar-dendak, produktu naturalen fabrikatzaileak eta hauekin milaka ekoizle txiki.

## Sendabelarre eutanasia

Europe Ecologie taldeko Michèle Rivasi europarlamentarioak 2010ean *Rue 89* gunean azaldu zuen gatazka zertan zetzan *Mon plaidoyer pour les plantes médicinales* (Sendabelarren aldeko nire aldarria) artikuluan, tesuingurua eta bere kezka azalduz.

Landarez egindako produktuak bi sailetan daude berez banatuta: farmazia alorrekoak Europako Farmazia Agentziak (EMA) kontrolatzen ditu eta elikadurako osagarriak jotzen direnak EFSAk. Farmazietan saltzeko lehen bidetik sartu ziren ekoizle asko.

“2004an THMPD zuzentaria idatzi du Rivasik—plazaratu zuten,



arautzeko landareak, algak, onddoak, likenak, gordinik bezala iharturik, kapsuletan edo hautsean, baita tintura, estrakto, olio esentzial edo zukutan ere. Intentzio onez abiatu zuten zuzentaraua, edozein substantzia bere usadiozko ondorio terapeutikoen arabera sailkatzeko. Geroztik ikusi da, ordea, THMPDk porrot egin duela”.

Erregistratzeko sistema ikaragarri konplikatua ezarri dute, dio Rivasik. Kosteak berdin: produktu bat inskribatzea 60.000 euro kostatzen da. Ondorioz, 149 landare medizinal baizik ez dauka farmaziako produktutzat onarturik gaur egun EMAk.

2006an hasi zen Europa bigarren bidea lantzen, elikadurako osaga-

rrien eremuan ordena jartzeko. Baina laster okertu ziren gauzak, eta Rivasik alarma deia zabaldu zuen: “Sendabelarren egoera ez da lehendik oso ona Europan. (...) THMPDk markatzen duen trantsizio aldia bukatutakoan, baimendu gabeko landareak saldu ahal izango dira baina beren ahalmen terapeutikorik aipatu gabe. Ezer aldatzen ez bada, Europako bi legeok eragingo duten kolpea suntsitzailea izanen da”.

Produktu bat 1924/2006 aruari egokitu nahi dionak hasteko adituen dossierrak bildu behar ditu, dozenaka mila euro pagatuz. Ondoren 4 urtez itxaron batz besterik. Eta azkenean, deusetarako: aurkeztutako eskarien %95k ezezkia jaso du

erantzun: 2008an aurkeztu ziren 4.640 eskarrietatik 222 baino ez daude baimendurik.

IPSNko Augustin de Livoisen aburuz “orain arte Europan izan den ofentsibarik gogorra da libreki gure buruak sendatzeko daukagun eskubidearen kontra. Araudi berriaren helburua oso da nabarmena: farma-industriari etorkizunean milaka milioiko etekinak segurtatzea, gaixoak behartuz industria kimikotik eratorritako botikak hartzera. (...) Hau da gure osasunaren eta bizien kontra sekula egin den lapurretarik handiena”.

Baimenak ematen dituen EFSA bera dago auzitan, bere adituak asko multinazionalen enplegatu edo kolaboratzaileak direlako. Corporate Europe Observatory behatokiak badauka horretaz dossier gogor bat plazaratua: “*Conflicts indigestes. Une decennie d’influence industrielle à l’Autorité Européenne de Sécurité Alimentaire (EFSA)*”.



Behatokiak salatu du EFSAn kide askok lotura oso estuak dituztela elikadurako, bioteknologiako eta kimikako korporazioekin, EFSAn zuzendaritzan sartuta daudela multinazionalak eta hauen interesak defenditzen dituzten lobbyak, hala nola International Life Sciences Institute.

Horrek esplikatu lezake De Livoisek salatzen duen astakeria: “EFSA iritsi da debekatzera arripasen etiketan jartzea ahalmen laxantea daukatela, aurretik ez badira egiten saiakera klinikoak milaka euro kostatzen direnak”. ■



ZINKUNEGI  
OPTIKA

Hernani, 23 · 20004 Donostia · T. 943 420 624  
info@zinkunegioptika.com  
www.zinkunegioptika.com



Zerbitzua  
Kalitatea  
Garantia

